

# Corsica Meia

O Corsica meia ti dò lu mio core  
Colmu di bandere pront'à svintulà  
Ti dò lu mio fiatu sculpitu d'amore  
O Corsica meia u ventu a sà

In l'ansciu sirenu di la to natura  
Sentu a santa chjama di a libertà  
Rinvivisce l'alma la to aria pura  
O Corsica meia u ventu a sà

O Corsica meia ti dò la mio manu  
Colma di spirenze pronte à suminà  
Centu mila spiche da caccia ne u granu  
O Corsica meia a terra la sà

M'incantanu l'esse le to bianche cime  
Guerrieri di petra in lo mio sunnià  
Sò turnate musa da fà le mio rime  
O Corsica meia a terra la sà

O Corsica meia ti dò la mio voce  
Colma di ribomba pronti à annacquà  
Di mille onde chjare piaghje è sarre è foce  
O Corsica meia u mare la sà

Diventanu strade li to fiumicelli  
Tessenu lu filu di mio sunnià  
Battenu cun rabbia marosi ribelli  
O Corsica meia u mare la sà

O Corsica meia ti dò la mio mente  
Colma di viaghji pronti à infiarà  
Ogni passu fattu di fervora ardente  
O Corsica meia u sole la sà

Schjariscenu l'alma li to raghji d'oru

Schjariscenu u sguardu, l'idea , u pinsà  
Da purtà ti fierà à l'altare moru  
O Corsica meia U sole la sà.